



Broj: 02-50-6-16-34/17  
Sarajevo, 11.12.2017.

**PREDSTAVNIČKI DOM  
PARLAMENTARNE SKUPŠTINE  
BOSNE I HERCEGOVINE**  
n/r Borjane Krišto, predsjedavajuće

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 11-12-2017

Organizaciona jedinica	Klasifikaciona oznaka	Redni broj	Broj priloga
01,02-	02-1-	2808/17	

Na 34. sjednici, održanoj 7.12.2017., Dom naroda Parlamentarne skupštine BiH usvojio je u prvom i drugom čitanju Prijedlog zakona o izmjenama i dopunama Zakona o akcizama u Bosni i Hercegovini, predlagač: Vijeće ministara BiH, zakon broj: 01,02-02-1-2808/17, od 5.12.2017.

U skladu sa Zaključkom Doma naroda, broj: 02-50-6-16-34,1/17, od 7.12.2017., koji smo Vam ranije dostavili, predlažemo razmatranje Prijedloga zakona **po hitnom zakonodavnom postupku**, u skladu s članom 133. Poslovnika Predstavničkog doma Parlamentarne skupštine BiH.

U prilogu Vam dostavljamo navedeni prijedlog zakona radi razmatranja i usvajanja.

S poštovanjem,



**PRVI ZAMJENIK PREDSJEDAVALJUĆEG  
DOMA NARODA**

Safet Softić

**Prilog:**

- Prijedlog zakona o izmjenama i dopunama Zakona o akcizama u Bosni i Hercegovini, zakon broj: 01,02-02-1-2808/17, od 5.12.2017.
- Neslužbeni prečišćeni tekst Zakona o akcizama u Bosni i Hercegovini, broj: 01,02-02-1-2808/17, od 7.12.2017.
- Mišljenje Agencije za zaštitu ličnih podataka u BiH, broj: 01,02-02-1-2808/17, od 7.12.2017.

**Dostaviti:**

- naslovu
- a/a



ŽURNO

PARLAMENTARNA SKUPŠTINA BiH

- Zastupnički dom -  
- Dom naroda -

SARAJEVO

1910

PRIMLJENO:	05-12-2017	Redni broj	Broj strana
Organizaciona jedinica	Klasifikacioni oznaka	2808/17	

**PREDMET:** Dostava Prijedloga zakona o izmjenama i dopunama Zakona o trošarinama u Bosni i Hercegovini

Vijeće ministara Bosne i Hercegovine, na 122. sjednici održanoj 24.11.2017. godine, utvrdilo je Prijedlog zakona o izmjenama i dopunama Zakona o trošarinama u Bosni i Hercegovini, te zaključilo da se isti uputi Parlamentarnoj skupštini Bosne i Hercegovine uz prijedlog da se razmatra po skraćenom zakonodavnom postupku.

U opredjeljenju za razmatranje i usvajanje navedenog zakona po skraćenom postupku, Vijeće ministara je imalo u vidu činjenicu da Prijedlog zakona o izmjenama i dopunama Zakona o trošarinama u Bosni i Hercegovini predstavlja jednu od obaveza iz pisma namjere upućenog Međunarodnom monetarnom fondu – MMF-u. Ujedno napominjemo da je potrebno navedeni prijedlog zakona razmatrati istodobno sa Prijedlogom zakona o izmjeni Zakona o sustavu neizravnog oporezivanja u Bosni i Hercegovini i Prijedlogom zakona o izmjenama i dopuni Zakona o uplatama na Jedinstveni račun i raspodjeli prihoda.

U svezi s navedenim, u privitku dostavljamo Prijedlog zakona o izmjenama i dopunama Zakona o trošarinama u Bosni i Hercegovini, na bosanskom, hrvatskom i srpskom jeziku, pribavljena mišljenja nadležnih institucija, uporedni pregled odredbi zakona, kao i elektroničku verziju Prijedloga zakona.

S poštovanjem,

GENERALNI TAJNIK  
*Zvonimir Kutleša*

Co. Ured predsjedatelja Vijeća ministara BiH  
- informativno -

## Prijedlog

Na osnovu člana IV 4. a) Ustava Bosne i Hercegovine, Parlamentarna skupština Bosne i Hercegovine, na \_\_\_\_\_ sjednici Predstavničkog doma, održanoj \_\_\_\_\_ godine, i na \_\_\_\_\_ sjednici Doma naroda, održanoj \_\_\_\_\_ godine, usvojila je

### ZAKON O IZMJENAMA I DOPUNAMA ZAKONA O AKCIZAMA U BOSNI I HERCEGOVINI

#### Član 1.

U Zakonu o akcizama u Bosni i Hercegovini ("Službeni glasnik BiH", br. 49/09, 49/14 i 60/14) u članu 2. stav (2) se mijenja i glasi:

"(2) Naplaćeni prihodi od cestarine u iznosu 0,25 KM za izgradnju autocesta i izgradnju i rekonstrukciju drugih cesta vode se na posebnom podračunu otvorenom kod Centralne banke Bosne i Hercegovine, a raspodjela tih prihoda će biti vršena u skladu sa Zakonom o uplatama na Jedinствeni račun i raspodjeli prihoda.

#### Član 2.

U članu 4. u stavu (2) u tački f) interpunkcijski znak „tačka“ se zamjenjuje interpunkcijskim znakom „tačka-zarez“ i dodaje se nova tačka g), koja glasi:

”g) biogoriva i biotečnosti.”.

#### Član 3.

U članu 5. u stavu (1) iza tačke d) interpunkcijski znak „tačka“ zamjenjuje se interpunkcijskim znakom „tačka-zarez“ i dodaje se nova tačka e), koja glasi:

”e) tečni naftni plin za pogon motornih vozila.”.

#### Član 4.

U članu 12. u stavu (1) iza tačke d) veznik ”i” zamjenjuje se interpunkcijskim znakom „zarez“, a iza tačke e) dodaju se riječi ”i g”.

#### Član 5.

U članu 17. u stavu (1) u tački e) broj „0,30“ zamjenjuje se brojem „0,45“, a iza tačke e) interpunkcijski znak „tačka“ zamjenjuje se interpunkcijskim znakom „tačka-zarez“ i dodaju se nove tač. f) i g), koje glase:

„f) tečni naftni plin za pogon motornih vozila 0,00 KM;

g) biogoriva i biotečnosti 0,30 KM“.

#### Član 6.

U članu 32. u stavu (2) broj „0,30“ se zamjenjuje brojem „0,45”.

U stavu (4) broj „0,30” se zamjenjuje brojem „0,45”.

#### Član 7.

Član 35. mijenja se i glasi:

„Član 35.  
(Osnovica i iznos)

- (1) Cestarina kao vrsta indirektnog poreza plaća se na biogoriva i biotečnosti iz člana 4. stav (1) tačka g) ovog zakona i na naftne derivate iz člana 5. stav (1) tač. a), b) i e) ovog zakona.
- (2) Cestarina iz stava (1) ovog člana plaća se u iznosu:
- a) 0,15 KM po litru proizvoda, odnosno kilogramu tečnog naftnog plina za ceste i
  - b) 0,25 KM po litru proizvoda, odnosno kilogramu tečnog naftnog plina za izgradnju autocesta i za izgradnju i rekonstrukciju drugih cesta, od čega se 0,20 KM odnosi na izgradnju autocesta, a 0,05 za izgradnju i rekonstrukciju drugih cesta.“

Član 8.

U članu 41. u stavu (1) tačka j) se mijenja i glasi:  
„j) ne plati u propisanom roku akcizu ili cestarinu;”  
U tački m) iza broja “45.” dodaju se riječi “i 45a.”

Član 9.

Poslije člana 45. dodaje se novi član 45a., koji glasi:

“Član 45a.  
(Popis zaliha i rokovi)

- (1) Poreski obveznici i druga lica koja se bave prometom biogoriva i biotečnosti i naftnih derivata dužni su da popišu zalihe akciznih proizvoda čijim se prometom bave na dan početka primjene ovog zakona i popisne liste dostave Upravi u roku sedam dana.
- (2) Poreski obveznici i druga lica koja se bave prometom biogoriva i biotečnosti i naftnih derivata dužni su da na zatečene zalihe utvrđene popisnim listama iz stava (1) ovog člana izvrše obračun akcize i cestarine prema odredbama ovog zakona, te da u roku deset dana od dana izvršenog popisa iz stava (1) ovog člana uplate na propisane račune razliku između obračunate i već uplaćene akcize i/ili razliku između obračunate i već uplaćene cestarine.“

Član 10.

Ovaj zakon stupa na snagu osmog dana od dana objavljivanja u „Službenom glasniku BiH”, a primjenjivat će se od prvog radnog dana mjeseca koji slijedi nakon njegovog stupanja na snagu.

Broj \_\_\_\_\_  
\_\_\_\_\_ godine  
Sarajevo

Predsjedavajući  
Predstavničkog doma  
Parlamentarne skupštine BiH

Predsjedavajući  
Doma naroda  
Parlamentarne skupštine BiH

## OBRAZLOŽENJE

### I - USTAVNI OSNOV

Ustavni osnov za donošenje ovog zakona sadržan je u članu IV 4. a) Ustava Bosne i Hercegovine, prema kojem je Parlamentarna skupština Bosne i Hercegovine nadležna za donošenje zakona koji su potrebni za provođenje odluka Predsjedništva Bosne i Hercegovine ili za vršenje funkcija parlamenta Bosne i Hercegovine po ovom ustavu.

### II - RAZLOZI ZA DONOŠENJE

Razlozi za donošenje predloženog zakona su, prije svega, u osiguravanju dodatnih sredstava za izgradnju autocesta i izgradnju i rekonstrukciju cesta u Bosni i Hercegovini. Naime, jedna od esencijalnih komponenti koje predstavljaju preduvjet razvoja privrede određene zemlje jeste infrastruktura, dostupnost tržišta i brzina kretanja robe i ljudi. Bosna i Hercegovina ima relativno nizak nivo privrednog razvoja, pa je jedan od ključnih ciljeva razvoj autocesta i cesta kako bi zemlja uspješno stvarala privredni oporavak i razvoj. Nesumnjivo je da izgradnja autocesta i cesta direktno utječe na privredni razvoj gradova koji se nalaze uz iste, te da ovakva izgradnja djeluje kao „mamac“ za privlačenje novih investicija, čime se osigurava novi priliv sredstava u kase svih nivoa vlasti, a što opet direktno utječe na nivo standarda građana. Uvećanje prihoda po ovom osnovu i njegovo usmjeravanje na razvoj infrastrukture u vidu izgradnje autocesta i cesta približava Bosnu i Hercegovinu zemljama u okruženju po nivou razvijenosti, čime se doprinosi stvaranju uvjeta za uključivanje u regionalno razvijene tranzitne države, što prvenstveno otvara mogućnost iskorištavanja drugih resursa kojim Bosna i Hercegovina raspolaže i razvijanja do sada nerazvijenih privrednih grana kao što je razvoj turizma.

Stoga, ne bi bilo utemeljeno da se uvećanje akcize i cestarine posmatra kao udar na stanovništvo, jer cilj zbog kojeg se uvodi u potpunosti opravdava razloge uvođenja, a naprijed navedene prednosti koje izgradnja ove vrste infrastrukture nosi sa sobom ukazuju da je realno očekivati poboljšanje standarda stanovništva kroz nova zapošljavanja, stvaranja novih prihoda, izgradnje dodatne infrastrukture u vidu izgradnje vrtića, škola, bolnica, domova za stara i iznemogla lica i dr. i u krajnjem očekivani rast standarda stanovništva će možda potaknuti i natalitet, što je izuzetno važno za Bosnu i Hercegovinu sa demografske tačke gledišta.

Očigledno je da izgradnja cestovne infrastrukture predstavlja pitanje od krucijalnog značaja, odnosno zamajac budućeg privrednog razvoja Bosne i Hercegovine zbog njene povezanosti sa svim oblicima života i rada, a kao takva značajna je i za privredni i ekonomski razvoj na nivou cijele zemlje. Iz iskustva i pokazatelja zemalja u okruženju (posebno Republike Hrvatske i Republike Srbije) vidljivo je da je nakon izgradnje autocesta došlo do pojačanog ulaganja stranih investitora u te države, što najbolje ukazuje na direktnu povezanost cestovne infrastrukture i stranih investicija. Ovaj prioritetni cilj je prepoznat i u Reformskoj agendi za BiH, te istaknut i u usvojenom Akcionom planu za provođenje Reformske agende, gdje je, između ostalog, kao jedna od aktivnosti koje trebaju biti poduzete do kraja 2015. godine u okviru sektora „Javne finansije, oporezivanje i fiskalna održivost“ predviđena i aktivnost povećanja akcize na naftu i naftne derivate, a sredstva od tog povećanja će biti usmjerena prema javnim preduzećima za autoceste u Republici Srpskoj i Federaciji Bosne i Hercegovine i koristit će se u svrhu izgradnje autocesta. S tim ciljem, tj. primarno sa namjerom povećanja cestarine kao namjenskog prihoda za autoceste i ceste u cijeloj Bosni i Hercegovini se i predlaže ovaj zakon.

Nadalje, predloženim zakonom uvodi se akciza na biogorivo i biotečnosti, pa posljedično i cestarina, a shodno potrebi za smanjenjem zloupotrebe prometa ovih i naftnih derivata na tržištu BiH. Naime, prema podacima UIO, u 2013. godini uvezeno je 471.091,50 kg, u 2014. godini uvezeno je 2.142.299,13 kg, a u prvih 11 mjeseci 2015. godine uvezeno je ukupno 10.482.558,93 kg biodizela, iz čega je vidljiv enorman rast uvoza biodizela, koji se krajnjim potrošačima prodaje bez njegovog označavanja kao biodizela. Imajući u vidu da se na promet istog ne plaća ni akciza ni cestarina, te da se biodizel prodaje krajnjim potrošačima

umjesto dizel goriva ili miješanjem sa dizel gorivom u svrhe pogona motornih vozila, čime se vrši obmana potrošača, jer se dovode u zabludu da kupuju dizel gorivo, to je i pored želje za stimuliranjem korištenja navedene vrste goriva, u sadašnjim okolnostima neophodno preduzimanje radnji kojim bi se isto po visini poreskog opterećenja izjednačilo sa drugim vrstama goriva. Uvođenjem akcize na ovu vrstu goriva ne samo da se povećavaju prihodi, već se znatno pojačava nadzor nad njegovim prometom, što pokazuje i činjenica da je i sama najava mogućnosti uvođenja akcize kod nas imala utjecaja na količine uvoza u proteklom periodu i dovela do oscilacija u pogledu uvezenih količina.

Pokazatelj da se oporezivanjem ove vrste goriva sprečava njegoa zloupotreba ogleda se u činjenici da su i neke zemlje u okruženju uvele oporezivanje ove vrste goriva, nakon čega je došlo do enormnog smanjenja uvoza (npr. Srbija je uvela akcizu na biodizel 2013. godine i nakon toga uvoz je gotovo prestao).

### **III – PRINCIPI NA KOJIMA SE ZASNIVA ZAKON**

Predloženi zakon o izmjenama i dopunama Zakona o akcizama u Bosni i Hercegovini zasniva se na sljedećim principima:

1. jednostavnosti ubiranja poreza (akciza se ne ubire direktno od pojedinca - krajnjeg korisnika, već se njena naplata vrši preko proizvođača ili uvoznika, što znatno umanjuje troškove ubiranja poreza za poresku administraciju i poreskog obveznika),
2. izdašnosti (osigurava odgovarajući nivo prihoda budžeta),
3. fiskalne održivosti i stabilnosti (zadržava potrebnu stabilnost za punjenje budžeta),
4. srazmjernosti (ne odstupa u odnosu na minimalni nivo akcize određen Direktivom EU),
5. neutralnosti (ne pravi se razlika poreskog opterećenja uvezene robe i iste robe u domaćoj proizvodnji),
6. regresivnosti (u pogledu poreskog opterećenja ne pravi razliku između bogatih i siromašnih),
7. odgovornosti u zaštiti i ostvarivanju javnopravnih interesa (ustanovljenje nadzora nad korištenjem biogoriva).

### **IV - OBRAZLOŽENJE PREDLOŽENIH RJEŠENJA**

#### **Član 1.**

Predložene izmjene člana 1. ovog zakona su usmjerene na osiguranje automatizma toka obrade finansijskih podataka i započete projekte na poboljšanju rada Uprave za indirektno oporezivanje u smislu još veće ažurnosti i integracije svih komponenti Informacijskog sistema UIO, a radi boljeg servisa prema poslovnoj zajednici Bosne i Hercegovine, što je prethodnim izmjenama i uvođenjem podračuna van Jedinstvenog računa narušeno.

Shodno navedenom, predloženo je da se prihod od cestarine implementira u podsisteme koji prate obračun i prikupljanje prihoda na Jedinstveni račun (asycuda, alics, program za praćenje ostalih prihoda i taksi), a pravila uplate bi se propisala izmjenama Pravilnika o uplatama indirektnih poreza i ostalih prihoda i taksi, kakvo rješenje je i sad u primjeni.

Samim tim očuvao bi se postojeći automatizam obrade finansijskih podataka u Informativnom sistemu UIO sa tendencijom da se u budućnosti još više unaprijedi uvođenjem novog carinskog i poreskog softvera na najnovijim tehnološkim platformama, što bi dovelo do povećanja nivoa obrade finansijskih podataka, a samim tim i unapređenja procesa raspodjele prema korisnicima budžeta Jedinstvenog računa u BiH.

Da bi se osigurali transparentnost i namjensko trošenje sredstava, sredstva koja Uprava prikupi po osnovu cestarine sa Jedinstvenog računa Uprave prenositi će se na poseban račun u okviru Centralne banke Bosne i Hercegovine, odakle će se odvojeno od drugih akciza prenositi entitetima, a njihovo korištenje je isključivo namjenskog karaktera – izgradnja autocesta i izgradnja i rekonstrukcija ostalih cesta.

#### **Član 2.**

Članom 2. zakona mijenja se član 4. osnovnog teksta Zakona tako što se kao akcizni proizvodi uvode biogoriva i biotečnosti. Ovo iz razloga jer je uočeno enormno uvećanje količina prometa ove vrste proizvoda, pri čemu se isti ne pojavljuje u evidencijama koje prate prodaju krajnjem korisniku, što ukazuje na mogućnost njegove zloupotrebe.

### **Član 3.**

Članom 3. Zakona o izmjenama i dopunama Zakona o akcizama u BiH mijenja se član 5. osnovnog teksta Zakona tako što se vrstama naftnih derivata na koji se plaćaju dadžbine u skladu sa ovim zakonom dodaje tečni naftni plin za pogon motornih vozila. Za isti je predviđena stopa akcize „0“, što znači da neće biti opterećen akcizom, ali će se na isti plaćati cestarina u iznosu od 0,15 KM/kg i 0,25 KM/kg za izgradnju autocesta i izgradnju i rekonstrukciju ostalih cesta. Na ovaj način se izjednačavaju korisnici plina kao pogonskog goriva sa korisnicima drugih pogonskih goriva kada je u pitanju finansiranje izgradnje i održavanja cesta i autocesta.

### **Član 4.**

Članom 4. mijenja se član 12. osnovnog Zakona. Ovo iz razloga jer je bilo neophodno dopuniti osnovni član u smislu konstituiranja poreskog obveznika i kada su u pitanju biogoriva i biotečnosti.

### **Član 5.**

Članom 5. mijenja se član 17. na način da se povećava akciza na lož-ulje sa dosadašnjeg iznosa od 0,30 KM po litru na 0,45 KM po litru. Razlog povećanja akcize na lož-ulje je sprečavanje prisutnih zloupotreba namjene lož-ulja, odnosno korištenje lož-ulja protivno zakonom dozvoljenim namjenama (zagrijavanje) kao pogonsko gorivo.

Ovim članom vrši se i dopuna na način da se postojećem iznosu akcize na naftne derivate dodaju tačke „f“ i „g“, koje glase:

„f) tečni naftni plin za pogon motornih vozila na koji se ne plaća akciza.“

„g) biogoriva i biotečnosti na koje se plaća akciza od 0,30 KM po litru.“

Navedena goriva će biti obuhvaćena obračunom cestarina jer se ona koriste za pogon motornih vozila u cestovnom prometu, a što je definirano članom 35. Zakona o akcizama BiH.

### **Član 6.**

Članom 6. mijenja se član 32. Zakona o akcizama u BiH radi povećanja iznosa akcize na lož-ulje u skladu sa izmjenom iz člana 5. ovog zakona.

### **Član 7.**

Članom 7. mijenja se član 35. Zakona o akcizama u BiH tako što se cestarina koja je do sada bila namjenski prihod za izgradnju autocesta povećava sa 0,10 KM na 0,25 KM, a ukupno prikupljena sredstva po tom osnovu koristit će se isključivo za izgradnju autocesta i izgradnju i rekonstrukciju cesta. Ovim članom se uvodi i plaćanje cestarine na biogoriva i biotečnosti. Također, cestarina se uvodi i na tečni naftni plin za pogon motornih vozila u iznosu 0,15 KM za ceste po kilogramu autoplina i 0,25 KM za autoceste po kilogramu autoplina, čime se izjednačavaju pogonska goriva koja se koriste za automobile koji za svoje kretanje koriste autoceste, brze ceste i ceste.

### **Član 8.**

Članom 8. izvršena je izmjena i dopuna određenih tačaka iz člana 41. osnovnog Zakona radi propisivanja prekršajne odgovornosti za postupanje suprotno pozitivnim propisima kada je u pitanju cestarina, odnosno ne izvrši popis zaliha i uplata razlike akcize i cestarine na način propisan ovim zakonom.

### **Član 9.**

Članom 9. dodaje se novi član 45a., koji sadrži prijelazne odredbe koje se odnose na obavezno sačinjavanje popisnih lista za sve akcizne proizvode kojima se ovim zakonom mijenja stopa ili se uvodi akciza ili cestarina.

#### **Član 10.**

Član 10. sadrži završnu odredbu o stupanju na snagu ovog zakona, te je propisano da ovaj zakon stupa na snagu osmog dana od dana objavljivanja u "Službenom glasniku BiH", a primjenjivat će se od prvog radnog dana mjeseca koji slijedi nakon stupanja na snagu. Ogdavanje primjene je u vezi s pripremom i početkom primjene pravilnika, bez čije primjene nije moguće postići primjenu zakonskih odredbi.

#### **V - FINANSIJSKA SREDSTVA**

Usvajanje predloženih izmjena ne zahtijeva izdvajanje bilo kakvih novih sredstava za provođenje ovog zakona.

#### **NAPOMENA:**

Transparentnost primjene ovog zakona (obračun, uplata na JR, raspodjela sa JR, kao i namjensko trošenje) može se pratiti i utvrditi kroz analizu primjene članova sljedećih zakona na osnovu kojih se sačinjavaju izvještaji i informacije prema UO/UIO, Vijeću ministara BiH, vladama i parlamentu:

- Zakon o akcizama u BiH, članovi 28. i 29.
- Zakon o sistemu indirektnog oporezivanja, članovi 8, 14, 20. i 22.
- Zakon o uplatama na jedinstveni račun i raspodjeli prihoda, članovi od 21. do 29., kao i
- Zakon o izvršavanju budžeta svih nivoa vlasti putem kojih se vrši realizacija utrošaka ovih sredstava.

Uprava za indirektno/neizravno oporezivanje mjesečno će na svojoj zvaničnoj internet stranici izvještavati o prihodima koje je prikupila u toku prethodnog perioda, po vrstama prihoda i njihovoj namjeni, uključujući i posebnu linijsku stavku koja se odnosi na akcizu namijenjenu za izgradnju autocesta i izgradnju i rekonstrukciju cesta.





Broj: 05-02-1-10471-2/17  
Sarajevo, 1.12.2017. godine

**Bosna i Hercegovina**  
**Generalno tajništvo Vijeća ministara**

PRIMLJENO: 01-12-2017			
Organizaciona jedinica	Klasifikacioni oznaka	Redni broj	Broj priloga
05	02.1	1194-15	16.

**Predmet:** Mišljenje na Prijedlog zakona o izmjenama i dopunama Zakona o trošarinama u Bosni i Hercegovini, daje se

**Veza:** vaš akt broj 05-02-1-1194-12/17 od 30.11.2017. godine.

Vezano za vaš akt, broj naveden u vezi, a kojim se traži mišljenje na Prijedlog zakona o izmjenama i dopunama Zakona o trošarinama u Bosni i Hercegovini, sukladno odredbama članka 31. pod točkom e). Poslovnika o radu Vijeća ministara Bosne i Hercegovine („Službeni glasnik BiH“, broj 22/03), dajemo

### MIŠLJENJE

- Generalno tajništvo Vijeća ministara dostavilo je Prijedlog zakona o izmjenama i dopunama Zakona o trošarinama u Bosni i Hercegovini kojim se prije svega osiguravaju dodatna sredstva za izgradnju autocesta i izgradnju i rekonstrukciju cesta u Bosni i Hercegovini. Predloženi Zakon o izmjenama i dopunama Zakona o trošarinama u Bosni i Hercegovini temelji se na sljedećim načelima:
  - Jednostavnosti ubiranja poreza (trošarine se ne ubiru izravno od pojedinaca-krajnjeg korisnika, već se njena naplata vrši preko proizvođača ili uvoznika, što znatno umanjuje troškove ubiranja poreza za poreznu administraciju i poreskog obveznika),
  - Izdašnost (osigurava odgovarajuću razinu prihoda Proračuna),
  - Fiskalne održivosti i stabilnosti (zadržava potrebnu stabilnost za punjenje Proračuna),
  - Srazmjernost (ne odstupa u odnosu na minimalnu razinu trošarine određenu Direktivom EU)
  - Neutralnost (ne pravi se razlika poreznog opterećenja uvezene robe i iste robe u domaćoj proizvodnji),
  - Regresivnost (u pogledu poreznog opterećenja ne pravi razliku između bogatih i siromašnih)
  - Odgovornost u zaštiti i ostvarivanju javnopravnih interesa (ustanovljenje nadzora nad korištenjem biogoriva).
- Ministarstvo financija i trezora je razmotrilo Prijedlog zakona o izmjenama i dopunama Zakona o trošarinama u Bosni i Hercegovini te konstatira da je u obrazloženju istog pod IV Financijska sredstva navedeno da za provedbu istog nisu potrebna dodatna novčana sredstva.
- Slijedom konstatiranog u točki 2. ovog mišljenja, Ministarstvo financija i trezora Bosne i Hercegovine daje pozitivno mišljenje na Prijedlog zakona o izmjenama i dopunama Zakona o trošarinama u Bosni i Hercegovini.

S poštovanjem,





Broj: 01 02-2-2174-1 /17  
Banjaluka, 12 2017. godine

**VIJEĆE MINISTARA BOSNE I HERCEGOVINE**  
**Generalno tajništvo**

BOSNA I HERCEGOVINA VIJEĆE MINISTARA SARAJEVO			
PRIMILJENI: 04-12-2017			
Organizaciona jedinica	Klasifikacioni oznaka	Redni broj	Broj priloga
05	02-1	1194-13/	16

**PREDMET:** Mišljenje na prijedlog zakona, dostavlja se;  
**VEZA :** Vaš akt broj: 05-02-1-1194-12/17 od 30.11.2017. godine;

Uprava za neizravno oporezivanje je razmotrila Prijedlog zakona o izmjenama i dopunama Zakona o trošarinama u Bosni i Hercegovini, te s tim u svezi daje

**MIŠLJENJE**

Predmetnim zakonom se vrši izmjena članka 2. stavak (2) Zakona o trošarinama u BiH ("Sl. gl. BiH", br. 49/09, 49/14 i 60/14), pri čemu se u odnosu na postojeći zakon sa aspekta provodivosti vrše neznatne korekcije. Pored navedenog, uvedeni su kao trošarinski proizvod biogoriva i biotečnosti sa trošarinom 0,30 KM/l, te tečni naftni plin sa trošarinom 0,00KM/kg, kao i uvećana trošarina na lož ulje za 0,15 KM/l. Nadalje, korigovane su cestarine u članku 35., pri čemu se pored izmjene iznosa cestarina koja se uplaćuju, mijenja i naglašava i njena namjena. Ostale izmjene predstavljaju samo prilagođavanje ovim odredbama u cilju provodivosti.

Sukladno navedenom, glede prihvatljivosti predmetnih normi sa aspekta njihovog provođenja tj. izvršenja istih, Uprava za neizravno oporezivanje daje pozitivno mišljenje .

S poštovanjem,

Dostaviti:

1. Naslovu
2. 01/1
3. a/a





БОСНА И ХЕРЦЕГОВИНА  
Савјет министара  
Уред за законодавство

BOSNA I HERCEGOVINA  
Vijeće ministara  
Ured za zakonodavstvo

Broj: 05-02-1-842-2/17  
Sarajevo, 01.12.2017. godine  
(AB)

BOSNA I HERCEGOVINA  
VIJEĆE MINISTARA  
GENERALNI SEKRETARIJAT

BOSNA I HERCEGOVINA  
VIJEĆE MINISTARA  
SARAJEVO

PRIMLJENO: 01-12-2017			
Organizaciona jedinica	Klasifikaciona oznaka	Redni broj	Broj priloga
05	02-1	11054-14	16.

**PREDMET: Mišljenje na Prijedlog Zakona o izmjenam i dopunama Zakona o akcizama u Bosni i Hercegovini**

**Veza Vaš akt broj: 05-02-1-1194/17 od 30.11.2017. godine**

Ured za zakonodavstvo Vijeća ministara Bosne i Hercegovine razmotrio je Prijedlog Zakona o izmjenama i dopunama Zakona o akcizama u Bosni i Hercegovini, te na osnovu člana 25. stav 1. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08), daje

## MIŠLJENJE

Ustavni osnov za donošenje Zakona o izmjenama i dopunama Zakona o akcizama u Bosni i Hercegovini sadržan je u članu IV 4.a) Ustava Bosne i Hercegovine, prema kojem je Parlamentarna skupština Bosne i Hercegovine nadležna za donošenje zakona potrebnih za provođenje odluka Predsjedništva Bosne i Hercegovine ili za vršenje funkcija Parlamentarne skupštine prema Ustavu Bosne i Hercegovine.

Ured za zakonodavstvo Vijeća ministara Bosne i Hercegovine je svojim aktom broj: 05-02-1-842/17 od 11.10.2017. godine dao Mišljenje na Nacrt Zakona o izmjenama i dopunama Zakona o akcizama u Bosni i Hercegovini.

Generalni sekretarijat Vijeća ministara Bosne i Hercegovine dostavio je Uredu za zakonodavstvo Vijeća ministara utvrđeni Prijedlog Zakona o izmjenama i dopunama Zakona o akcizama u Bosni i Hercegovini, radi davanja mišljenja.

U pogledu dostavljenog Prijedloga Zakona o izmjenama i dopunama Zakona o akcizama u Bosni i Hercegovini, Ured za zakonodavstvo nema primjedbi.

Na kraju, Ured za zakonodavstvo ukazuje, da je o Prijedlogu Zakona o izmjenama i dopunama Zakona o akcizama u Bosni i Hercegovini potrebno pribaviti mišljenje Ministarstva finansija i trezora Bosne i Hercegovine i Direkcije za evropske integracije, a prilikom upućivanja prijedloga Zakona u dalju proceduru Parlamentarnoj skupštini Bosne i Hercegovine, potrebno je priložiti i odredbe članova koje se mijenjaju odnosno dopunjuju te verziju prečišćenog teksta zakona.

Dostaviti:

- Naslovu,
- a/a.



BOSNA I HERCEGOVINA

VIJEĆE MINISTARA

DIREKCIJA ZA EVROPSKE INTEGRACIJE

DIREKCIJA ZA EVROPSKE INTEGRACIJE



БОСНА И ХЕРЦЕГОВИНА

САВЈЕТ МИНИСТАРА

ДИРЕКЦИЈА ЗА ЕВРОПСКЕ ИНТЕГРАЦИЈЕ

Broj: 03/B-06-2-1896-2/17  
Sarajevo, 1.12.2017. godine

Bosna i Hercegovina  
VIJEĆE MINISTARA  
Generalni sekretarijat



BOSNA I HERCEGOVINA  
VIJEĆE MINISTARA  
SARAJEVO

Organizacioni jedinica	Klasifikacioni oznaka	Redni broj	Broj priloga
05	02-1	1194-13/16	

Predmet: Mišljenje o Prijedlogu zakona o izmjenama i dopunama Zakona o akcizama u Bosni i Hercegovini s *acquis-em*

Veza: Vaš akt broj 05-02-1-1194-12/17 od 30.11.2017. godine

Na osnovu člana 18. Zakona o ministarstvima i drugim organima uprave Bosne i Hercegovine („Službeni glasnik BiH”, br. 5/03, 42/03, 26/04, 42/04, 45/06, 88/07, 35/09 i 103/09), člana 6. Odluke o Direkciji za evropske integracije („Službeni glasnik BiH”, broj 41/03) i člana 6. Odluke o postupku usklađivanja zakonodavstva Bosne i Hercegovine s pravnom stečevinom Evropske unije, Direkcija za evropske integracije daje sljedeće:

### MIŠLJENJE

Prijedlogom Zakona o izmjenama i dopunama Zakona o akcizama u Bosni i Hercegovini vrše se izmjene čl. 2.(2), 17.(1), 35, i 41. i dopune čl. 4.(2), 5.(1), 17.(1), 45a. Zakona o akcizama u Bosni i Hercegovini („Službeni glasnik BiH”, br. 49/09, 49/14 i 60/14) - (u daljnjem tekstu: Zakon o akcizama).

Direkcija konstatuje da za Zakon o akcizama („Službeni glasnik BiH”, br. 49/09, 49/14 i 60/14), kao ni njegove izmjene i dopune, nisu izrađene tabele usklađenosti na osnovu kojih je izvršena analiza usklađenosti i potvrđen stepen njegove usklađenosti s *acquis-em*. U cilju davanja potvrde usklađenosti, neophodna je detaljna analiza usklađenosti kako Zakona o akcizama, tako i predloženih izmjena i dopuna uzimajući u obzir trenutno važeće zakonodavstvo Evropske unije.

S obzirom na navedeno, Direkcija konstatuje da se predložene izmjene i dopune ne mogu smatrati usklađivanjem, te da iz naprijed navedenih metodoloških razloga nije moguće dati ocjenu o usklađenosti Prijedloga zakona bez detaljne analize usklađenosti ~~važećih~~ odredaba Zakona o akcizama s *acquis-em* EU.



Dostavljeno:

1. Naslovu;
2. a/a.



БОСНА И ХЕРЦЕГОВИНА  
Савјет министара  
Уред за законодавство

BOSNA I HERCEGOVINA  
Vijeće ministara  
Ured za zakonodavstvo

Broj: 05-02-1-842-1/17  
Sarajevo, 04.12.2017. godine  
(AB)



BOSNA I HERCEGOVINA  
VIJEĆE MINISTARA  
SARAJEVO

PRIMIJENO: 04-12-2017			
Organizaciona jedinica	Klasifikaciona oznaka	Redni broj	Broj priloga
05	02-1	1194-181	16.

BOSNA I HERCEGOVINA  
VIJEĆE MINISTARA  
GENERALNI SEKRETARIJAT

**PREDMET: Uporedni pregled odredbe iz Prijedloga zakona sa odredbom koja se mijenja, dostavlja se**

**Veza Vaš akt broj: 05-07-1-2952-1/17 od 27.11.2017. godine**

Našim aktom broj: 05-02-1-842-1/17 od 01.12.2017. godine, dostavili smo Prijedlog Zakona o izmjenama i dopunama Zakona o akcizama u Bosni i Hercegovini, na tri jezika.

U prilogu akta, dostavljamo Uporedni pregled odredbe iz Prijedloga zakona sa odredbom koja se mijenja, na tri jezika.

S poštovanjem,

Prilog:

- Uporedni pregled (x3),
- CD.

Dostaviti:

- Naslovu,
- a/a.



DIREKTOR

mr. Džemail Čibo

Prilog – uporedni pregled odredbe iz Prijedloga zakona sa odredbom koja mijenja

Zakon		Izmjene i dopune Zakona		Razlog izmjene
član	član	odredba		
2	(2) Za naplatu prihoda od cestarine u iznosu od 0,10 KM za autoceste Uprava za indirektno oporezivanje BiH otvorit će poseban podračun u okviru Jedinstvenog računa UIO, a raspodjela prihoda od cestarine vrši se prema metodologiji koju propisuje Upravni odbor Uprave za indirektno oporezivanje BiH posebnim aktom.	2	"(2) Naplaćeni prihodi od cestarine u iznosu od 0,25 KM za izgradnju autocesta i izgradnju i rekonstrukciju drugih cesta vode se na posebnom podračunu otvorenom kod Centralne banke Bosne i Hercegovine, a raspodjela tih prihoda bit će vršena u skladu sa Zakonom o uplatama na jedinstveni račun i raspodjeli prihoda.	Predložene izmjene su usmjerene na osiguranje automatizma toka obrade finansijskih podataka i započete projekte na poboljšanju rada Uprave za indirektno oporezivanje u smislu još veće ažurnosti i integracije svih komponenti Informacijskog sistema UIO, a radi boljeg servisa prema poslovnoj zajednici Bosne i Hercegovine.
4	(2) Akciznim proizvodima, u smislu stava (1) ovog člana, smatraju se: a) naftni derivati; b) duhanske prerađevine; c) bezalkoholna pića; d) alkohol, alkoholna pića i voćna prirodna rakija; e) pivo i vino; f) kahva.	4	(2) Akciznim proizvodima, u smislu stava (1) ovog člana, smatraju se: a) naftni derivati; b) duhanske prerađevine; c) bezalkoholna pića; d) alkohol, alkoholna pića i voćna prirodna rakija; e) pivo i vino; f) kahva; g) <b>biogoriva i biotečnosti.</b>	Ovom dopunom se kao akcizni proizvod uvode biogoriva i biotečnosti. Ovo iz razloga jer je uočeno enormno uvećanje količina prometa ove vrste proizvoda, pri čemu se isti ne pojavljuju u evidencijama koje prate prodaju krajnjem korisniku, što ukazuje na mogućnost njegove zloupotrebe.
5	Naftnim derivatima, u smislu člana 4. stav (2) tačka a) ovog zakona, smatraju se: a) motorni benzini, uključujući i bezolovni, neovisno od oktanske vrijednosti i komercijalnog naziva; b) dizel goriva i ostala plinska ulja; c) petrolej (kerozin); d) lož-ulje ekstra lako i lako specijalno (EL i LS).	5	Naftnim derivatima, u smislu člana 4. stav (2) tačka a) ovog zakona, smatraju se: a) motorni benzini, uključujući i bezolovni, neovisno od oktanske vrijednosti i komercijalnog naziva; b) dizel goriva i ostala plinska ulja; c) petrolej (kerozin); d) lož-ulje ekstra lako i lako specijalno (EL i LS);	Vrstama naftnih derivata na koji se plaćaju dadžbine u skladu sa ovim zakonom dodaje tečni naftni plin za pogon motornih vozila. Za isti je predviđena stopa akcije „0“, što znači da neće

			<p>biti opterećen akcizom, ali će se na isti plaćati cestarina u iznosu od 0,15 KM/kg i 0,25 KM/kg za izgradnju autocesta i izgradnju i rekonstrukciju ostalih cesta. Na ovaj način se izjednačavaju korisnici plina kao pogonskog goriva sa korisnicima drugih pogonskih goriva kada je u pitanju finansiranje izgradnje i održavanja cesta i autocesta.</p>
12	<p>(1) Porezni obveznik je pravno lice ili preduzetnik koji akcizne proizvode iz člana 4. stav (2) tač. a), b), c) d), e) d) i e) ovog zakona uvozi i/ili proizvodi na teritoriji BiH.</p>	<p>(1) Porezni obveznik je pravno lice ili preduzetnik koji akcizne proizvode iz člana 4. stav (2) tač. a), b), c) d), e) i g) ovog zakona uvozi i/ili proizvodi na teritoriji BiH.</p>	<p>Neophodno je bilo dopuniti ovaj član u smislu konstituiranja poreznog obveznika i kada su u pitanju biogoriva i biotečnosti.</p>
17	<p>Za naftne derivatne akcize se plaća po litru, i to na:  a) dizel-gorivo i ostala plinska ulja 0,30 KM;  b) petrolej (kerozin) 0,30 KM;  c) motorni benzin - bezolovni 0,35 KM;  d) motorni benzin 0,40 KM;  e) lož-ulje ekstra lako i lako specijalno (EL i LS) 0,30 KM.</p>	<p>Za naftne derivatne akcize se plaća po litru, i to na:  a) dizel-gorivo i ostala plinska ulja 0,30 KM;  b) petrolej (kerozin) 0,30 KM;  c) motorni benzin - bezolovni 0,35 KM;  d) motorni benzin 0,40 KM;  e) lož-ulje ekstra lako i lako specijalno (EL i LS) 0,45 KM;  <b>f) tečni naftni plin za pogon motornih vozila 0,00 KM;</b>  <b>g) biogoriva i biotečnosti 0,30 KM.</b></p>	<p>Ovom izmjenom člana 17. povećava se akciza na lož-ulje sa dosadašnjeg iznosa od 0,30 KM po litri na 0,45 KM po litri. Razlog povećanja akcize na lož-ulje je sprečavanje prisutnih zloupotreba namjene lož-ulja, odnosno, korištenje lož-ulja protivno zakonom dozvoljenim namjenama (zagrijavanje) kao pogonsko gorivo. Takođe, vrši se i dopuna člana 17. na način da se</p>



			<p>postojećem iznosu akcize na naftne derivate dodaju tačke „f)“ i „g)“.</p> <p>Navedena goriva će biti obuhvaćena obračunom cestarina jer se ista koriste za pogon motornih vozila u cestovnom prometu, a što je definisano članom 35. Zakona o akcizama BiH.</p>
32.	<p>(2) Na lož-ulje koje je prometovano a nije obojeno crvenom bojom u skladu sa stavom (1) ovog člana bit će naplaćena akciza u iznosu od 0,30 KM po litru i za njega se ne može ostvariti povrat.</p> <p>(4) Ako se pri kontroli vozila na motorni pogon, plovnih objekata na motorni pogon ili drugih transportnih sredstava na motorni pogon, odnosno za pogon drugih motora, utvrdi da se lož-ulje koristi kao pogonsko gorivo, akciza će biti obračunata i naplaćena od vlasnika predmetnog sredstva u iznosu od 0,30 KM po litru, na količinu koja odgovara zapremini rezervoara uvećanoj za deset puta.</p>	<p>(2) Na lož-ulje koje je prometovano a nije obojeno crvenom bojom u skladu sa stavom (1) ovog člana bit će naplaćena akciza u iznosu od <b>0,45 KM</b> po litru i za njega se ne može ostvariti povrat.</p> <p>(4) Ako se pri kontroli vozila na motorni pogon, plovnih objekata na motorni pogon ili drugih transportnih sredstava na motorni pogon, odnosno za pogon drugih motora, utvrdi da se lož-ulje koristi kao pogonsko gorivo, akciza će biti obračunata i naplaćena od vlasnika predmetnog sredstva u iznosu od <b>0,45 KM</b> po litru, na količinu koja odgovara zapremini rezervoara uvećanoj za deset puta.</p>	<p>Ova izmjena se vrši radi povećanja iznosa akcize na lož ulje u skladu sa izmjenom iz člana 17. osnovnog Zakona</p>
35	<p>Član 35. (Osnovica i stopa)</p> <p>(1) Cestarina kao vrsta indirektnog poreza plaća se na naftne derivate iz člana 5. stav (1) tač. a) i b) ovog zakona.</p> <p>(2) Cestarina iz stava (1) ovog člana plaća se u iznosu od 0,15 KM po jednom litru proizvoda za ceste i 0,10 KM za izgradnju autocesta.</p>	<p>Član 35. (Osnovica i iznos)</p> <p>(1) Cestarina kao vrsta indirektnog poreza plaća se na biogoriva i biotečnosti iz člana 4. stav (1) tačka g) ovog Zakona, i na naftne derivate iz člana 5. stav (1) tač. a), b) i e) ovog Zakona.</p> <p>(2) Cestarina iz stava (1) ovog člana plaća se u iznosu: a) 0,15 KM po litri proizvoda, odnosno kilogramu</p>	<p>Cestarina koja je do sada bila namjenski prihod za izgradnju autocesta povećava sa 0,10 KM na 0,25 KM, a ukupno prikupljena sredstva po tom osnovu koristit će se isključivo za izgradnju autocesta i izgradnju i</p>

		<p>tečnog naftnog plina za ceste i</p> <p>b) 0,25 KM po litri proizvoda, odnosno kilogramu tečnog naftnog plina za izgradnju autocesta i za izgradnju i rekonstrukciju drugih cesta, od čega se 0,20 KM odnosi na izgradnju autocesta, a 0,05 za izgradnju i rekonstrukciju drugih cesta.</p>	<p>rekonstrukciju drugih cesta.</p> <p>Ovim članom se uvodi i plaćanje cestarine na biogoriva i biotečnosti. Također, cestarina se uvodi i na tečni naftni plin za pogon motornih vozila u iznosu 0,15 KM za ceste po kilogramu auto plina i 0,25 KM za autoceste po kilogramu auto plina, čime se izjednačavaju pogonska goriva koja se koriste za automobile koji za svoje kretanje koriste auto-ceste, brze ceste i ceste.</p>
41	<p>(1) Novčanom kaznom u iznosu od 1.000 KM do 200.000 KM kaznit će se za prekršaj pravno lice, a novčanom kaznom u iznosu od 1.000 KM do 20.000 KM preduzetnik ako:</p> <p>a) se na dokumentu koji prati akcizni proizvod ili na akciznom proizvodu ne nalaze podaci o sirovinskom sastavu, vrsti, kvalitetu i drugim svojstvima bitnim za utvrđivanje porezne obaveze ili ako su ti podaci netačni;</p> <p>b) ne obračuna ili netačno obračuna akcizu;</p> <p>c) stavi u promet akcizne proizvode prije izvršene registracije iz člana 13. ovog zakona;</p> <p>d) ne prijavi maloprodajne cijene duhanskih preradevina UIO prije puštanja u promet ili ako ih prodaje po cijenama višim od prijavljenih;</p> <p>e) vrši promet lož-ulija suprotno odredbama člana 33. ovog zakona;</p>	<p>(1) Novčanom kaznom u iznosu od 1.000 KM do 200.000 KM kaznit će se za prekršaj pravno lice, a novčanom kaznom u iznosu od 1.000 KM do 20.000 KM preduzetnik ako:</p> <p>a) se na dokumentu koji prati akcizni proizvod ili na akciznom proizvodu ne nalaze podaci o sirovinskom sastavu, vrsti, kvalitetu i drugim svojstvima bitnim za utvrđivanje porezne obaveze ili ako su ti podaci netačni;</p> <p>b) ne obračuna ili netačno obračuna akcizu;</p> <p>c) stavi u promet akcizne proizvode prije izvršene registracije iz člana 13. ovog zakona;</p> <p>d) ne prijavi maloprodajne cijene duhanskih preradevina UIO prije puštanja u promet ili ako ih prodaje po cijenama višim od prijavljenih;</p> <p>e) vrši promet lož-ulija suprotno odredbama člana 33. ovog zakona;</p>	<p>Izmjena tačke j) i dopuna tačaka m) iz člana 41. osnovnog zakona vrši se radi propisivanja prekršajne odgovornosti za postupanje suprotno pozitivnim propisima kada je u pitanju cestarina, odnosno ne izvrši popis zaliha i uplata razlike akcize i cestarine na način propisan ovim zakonom.</p>

	<p>f) ne prijavi skladište kod UIO i ne vodi evidencije o nabavljenim i prodanim količinama lož-ulja;</p> <p>g) koristi lož-ulje kao pogonsko gorivo za pogon motornih vozila, plovnih objekata na motorni pogon ili drugih transportnih sredstava na motorni pogon, odnosno ako se lož-ulje koristilo suprotno njegovoj osnovnoj namjeni;</p> <p>h) duhanske prerađevine, alkoholna pića, voćne prirodne rakije, vina i kahvu stavi u promet, a da akcizni proizvod nije na propisan način obilježen akciznom markicom;</p> <p>i) akcizne proizvode stavi u promet bez vjerodostojne dokumentacije;</p> <p><b>j) ne plati u propisanom roku akcizu ili cestarinu;</b></p> <p>k) ne vodi evidencije propisane članom 26. ovog zakona;</p> <p>l) crvenom bojom uz dodavanje indikatora ne oboji isporučene količine lož-ulja;</p> <p>m) ne izvrši popis zaliha u smislu člana 45. i 45a. ovog zakona.</p> <p>n) da netačne podatke u cilju primjene niže stope iz člana 18. stav (2) ovog zakona.</p>		
<p>f) ne prijavi skladište kod UIO i ne vodi evidencije o nabavljenim i prodanim količinama lož-ulja;</p> <p>g) koristi lož-ulje kao pogonsko gorivo za pogon motornih vozila, plovnih objekata na motorni pogon ili drugih transportnih sredstava na motorni pogon, odnosno ako se lož-ulje koristilo suprotno njegovoj osnovnoj namjeni;</p> <p>h) duhanske prerađevine, alkoholna pića, voćne prirodne rakije, vina i kahvu stavi u promet, a da akcizni proizvod nije na propisan način obilježen akciznom markicom;</p> <p>i) akcizne proizvode stavi u promet bez vjerodostojne dokumentacije;</p> <p><b>j) ne plati u propisanom roku akcizu ili cestarinu;</b></p> <p>k) ne vodi evidencije propisane članom 26. ovog zakona;</p> <p>l) crvenom bojom uz dodavanje indikatora ne oboji isporučene količine lož-ulja;</p> <p>m) ne izvrši popis zaliha u smislu člana 45. i 45a. ovog zakona.</p> <p>n) da netačne podatke u cilju primjene niže stope iz člana 18. stav (2) ovog zakona.</p>	<p>f) ne prijavi skladište kod UIO i ne vodi evidencije o nabavljenim i prodanim količinama lož-ulja;</p> <p>g) koristi lož-ulje kao pogonsko gorivo za pogon motornih vozila, plovnih objekata na motorni pogon ili drugih transportnih sredstava na motorni pogon, odnosno ako se lož-ulje koristilo suprotno njegovoj osnovnoj namjeni;</p> <p>h) duhanske prerađevine, alkoholna pića, voćne prirodne rakije, vina i kahvu stavi u promet, a da akcizni proizvod nije na propisan način obilježen akciznom markicom;</p> <p>i) akcizne proizvode stavi u promet bez vjerodostojne dokumentacije;</p> <p><b>j) ne plati u propisanom roku akcizu ili cestarinu;</b></p> <p>k) ne vodi evidencije propisane članom 26. ovog zakona;</p> <p>l) crvenom bojom uz dodavanje indikatora ne oboji isporučene količine lož-ulja;</p> <p>m) ne izvrši popis zaliha u smislu člana 45. i 45a. ovog zakona.</p> <p>n) da netačne podatke u cilju primjene niže stope iz člana 18. stav (2) ovog zakona.</p>	<p>f) ne prijavi skladište kod UIO i ne vodi evidencije o nabavljenim i prodanim količinama lož-ulja;</p> <p>g) koristi lož-ulje kao pogonsko gorivo za pogon motornih vozila, plovnih objekata na motorni pogon ili drugih transportnih sredstava na motorni pogon, odnosno ako se lož-ulje koristilo suprotno njegovoj osnovnoj namjeni;</p> <p>h) duhanske prerađevine, alkoholna pića, voćne prirodne rakije, vina i kahvu stavi u promet, a da akcizni proizvod nije na propisan način obilježen akciznom markicom;</p> <p>i) akcizne proizvode stavi u promet bez vjerodostojne dokumentacije;</p> <p>j) ne plati akcizu u roku predviđenim članom 23. ovog zakona;</p> <p>k) ne vodi evidencije propisane članom 26. ovog zakona;</p> <p>l) crvenom bojom uz dodavanje indikatora ne oboji isporučene količine lož-ulja;</p> <p>m) ne izvrši popis zaliha u smislu člana 45. ovog zakona.</p> <p>n) da netačne podatke u cilju primjene niže stope iz člana 18. stav (2) ovog zakona.</p>	<p>f) ne prijavi skladište kod UIO i ne vodi evidencije o nabavljenim i prodanim količinama lož-ulja;</p> <p>g) koristi lož-ulje kao pogonsko gorivo za pogon motornih vozila, plovnih objekata na motorni pogon ili drugih transportnih sredstava na motorni pogon, odnosno ako se lož-ulje koristilo suprotno njegovoj osnovnoj namjeni;</p> <p>h) duhanske prerađevine, alkoholna pića, voćne prirodne rakije, vina i kahvu stavi u promet, a da akcizni proizvod nije na propisan način obilježen akciznom markicom;</p> <p>i) akcizne proizvode stavi u promet bez vjerodostojne dokumentacije;</p> <p><b>j) ne plati u propisanom roku akcizu ili cestarinu;</b></p> <p>k) ne vodi evidencije propisane članom 26. ovog zakona;</p> <p>l) crvenom bojom uz dodavanje indikatora ne oboji isporučene količine lož-ulja;</p> <p>m) ne izvrši popis zaliha u smislu člana 45. i 45a. ovog zakona.</p> <p>n) da netačne podatke u cilju primjene niže stope iz člana 18. stav (2) ovog zakona.</p>
<p>Novi član 45a. koji sadrži prijelazne odredbe koje se odnose na obavezno sačinjavanje popisnih lista za sve akcizne proizvode kojima se ovim zakonom mijenja stopa ili se uvodi akciza ili cestarina.</p>	<p>Novi član 45a. koji sadrži prijelazne odredbe koje se odnose na obavezno sačinjavanje popisnih lista za sve akcizne proizvode kojima se ovim zakonom mijenja stopa ili se uvodi akciza ili cestarina.</p>	<p>Novi član 45a. koji sadrži prijelazne odredbe koje se odnose na obavezno sačinjavanje popisnih lista za sve akcizne proizvode kojima se ovim zakonom mijenja stopa ili se uvodi akciza ili cestarina.</p>	<p>Novi član 45a. koji sadrži prijelazne odredbe koje se odnose na obavezno sačinjavanje popisnih lista za sve akcizne proizvode kojima se ovim zakonom mijenja stopa ili se uvodi akciza ili cestarina.</p>

			<p>listama iz stava (1) ovog člana izvrše obračun akcize i cestarine prema odredbama ovog Zakona, te da, u roku od deset dana od dana izvršenog popisa iz stava (1) ovog člana uplate na propisane račune razliku između obračunate i već uplaćene akcize i/ili razliku između obračunate i već uplaćene cestarine.</p>	
--	--	--	---	--



Broj: 05-02-1-1194/16  
Sarajevo, 7. 12. 2017. godine

PARLAMENTARNA SKUPŠTINA  
BOSNE I HERCEGOVINE

- Zastupnički dom -  
- Dom naroda -

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 07-12-2017			
Organizaciona jedinica	Klasifikaciona oznaka	Redni broj	Broj priloga
01,02	02-1	2808/17	

SARAJEVO

**PREDMET:** Dostava Prijedloga zakona o trošarinama u Bosni i Hercegovini,  
Prijedloga zakona o uplatama na jedinstveni račun i raspodjeli prihoda i  
Prijedloga zakona o sustavu neizravnog oporezivanja u Bosni i  
Hercegovini

U privitku, a u svezi Mišljenja Zakonodavnopravnog sektora Parlamentarne skupštine Bosne i Hercegovine, broj: 01,02-02-1-2808/17 od 6. 12. 2017. godine, dostavljamo Prijedlog zakona o trošarinama u Bosni i Hercegovini, Prijedlog zakona o uplatama na jedinstveni račun i raspodjeli prihoda i Prijedlog zakona o sustavu neizravnog oporezivanja u Bosni i Hercegovini, **neslužbeni prečišćeni tekst**, na bosanskom, hrvatskom i srpskom jeziku kao i elektroničku verziju Prijedloga zakonâ.

S poštovanjem,



Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine, na 54. sjednici Predstavničkog doma, održanoj 27. maja 2009. godine, i na 31. sjednici Doma naroda, održanoj 18. juna 2009. godine, usvojila je

**ZAKON O AKCIZAMA U BOSNI I HERCEGOVINI**  
**(SG BiH, broj: 49/09, 49/14, 60/14)**  
**(Neformalni prečišćeni tekst)**

**DIO PRVI - OSNOVNE ODREDBE**

Član 1.  
(Predmet)

- (1) Ovim zakonom uređuje se oporezivanje prometa i/ili uvoza određenih vrsta proizvoda (u daljnjem tekstu: akcizni proizvodi) na teritoriji Bosne i Hercegovine posebnim oblikom poreza - akcizom.
- (2) Odredbe ovog zakona primjenjuju se i na cestarinu.

Član 2.  
(Uplata i raspodjela)

- (1) Prihodi po osnovu akciza i cestarina uplaćuju se na Jedinствeni račun Uprave za indirektno oporezivanje BiH, a njihova raspodjela vrši se u skladu sa Zakonom o uplatama na jedinstveni račun i raspodjeli prihoda ("Službeni glasnik BiH", br. 55/04 i 34/07).
- (2) Za naplatu prihoda od cestarine u iznosu od 0,10 KM za autoceste Uprava za indirektno oporezivanje BiH otvorit će poseban podračun u okviru Jedinствenog računa UIO, a raspodjela prihoda od cestarine vrši se prema metodologiji koju propisuje Upravni odbor Uprave za indirektno oporezivanje BiH posebnim aktom.

Član 3.  
(Pojmovi)

Pojmovi korišteni u ovom zakonu imaju sljedeće značenje:

- a) **pravno lice** - svako pravno lice koje je, u skladu s važećim propisima, registrirano za proizvodnju, uvoz i/ili promet akciznih proizvoda iz člana 4. ovog zakona;
- b) **preduzetnik** - svako fizičko lice koje je kod nadležnog organa registrirano za proizvodnju i/ili promet akciznih proizvoda iz člana 4. ovog zakona;
- c) **građanin-proizvođač** - fizičko lice koje ima prebivalište u Bosni i Hercegovini, a bavi se proizvodnjom akciznih proizvoda;
- d) **UIO** - Upravu za indirektno oporezivanje;
- e) **Upravni odbor** - Upravni odbor UIO uspostavljen Zakonom o sistemu indirektnog oporezivanja u Bosni i Hercegovini ("Službeni glasnik BiH", br. 44/03, 52/04 i 34/07).

## DIO DRUGI - AKCIZA

### POGLAVLJE I. PREDMET OPOREZIVANJA

#### Član 4. (Akcizni proizvodi)

(1) Predmet oporezivanja je promet akciznih proizvoda koji su proizvedeni u Bosni i Hercegovini kada proizvođač prvi put njima prometuje i/ili uvoz akciznih proizvoda u Bosnu i Hercegovinu (u daljnjem tekstu: BiH).

(2) Akciznim proizvodima, u smislu stava (1) ovog člana, smatraju se:

- a) **naftni derivati;**
- b) **duhanske prerađevine;**
- c) **bezalkoholna pića;**
- d) **alkohol, alkoholna pića i voćna prirodna rakija;**
- e) **pivo i vino;**
- f) **kahva.**

#### Član 5. (Naftni derivati)

Naftnim derivatima, u smislu člana 4. stav (2) tačka a) ovog zakona, smatraju se:

- a) motorni benzini, uključujući i bezolovni, neovisno od oktanske vrijednosti i komercijalnog naziva;
- b) dizel goriva i ostala plinska ulja;
- c) petrolej (kerozin);
- d) lož-ulje ekstra lako i lako specijalno (EL i LS).

#### Član 6. (Duhanske prerađevine)

(1) Duhanskim prerađevinama u smislu člana 4. stav (2) tačka b) ovog zakona smatraju se:

- a) cigarete
- b) cigare i cigarilosi
- c) duhan za pušenje
  - 1) rezani duhan za motanje cigareta
  - 2) ostali duhan za pušenje

(2) **Cigaretama** se smatraju:

- a) smotuljci duhana prikladni za pušenje, obavijeni omotom koji nije od prirodnog duhana;
- b) proizvodi slični cigaretama koji se sastoje od smotuljaka duhana obavijeni jednostrukim i dvostrukim omotačem. Vanjski omotač izrađen je od materijala koji nije list prirodnog duhana i postavljen je u pravoj liniji uzdužno;
- c) duhanski štapići koji su jednostavnim neindustrijskim postupkom stavljaju u papirni omot za cigarete ili se umotavaju u papirne listiće;
- d) duhanski proizvodi stavljeni u promet pod nazivom cigarete.

(3) **Cigare i cigarilosi** su smotuljci duhana koji su obavijeni vanjskim zaštitnim listom od duhana.

(4) **Duhan za pušenje** obuhvata:

- a) rezani ili na drugi način usitnjeni, pleteni ili u blokove presovani duhan koji je prikladan za pušenje bez daljnje industrijske obrade;
- b) ostali duhan za pušenje koji je prikladan za pušenje i stavljen u maloprodaju, a koji ne potpada pod st. (2) i (3) ovog člana. Ostalim duhanom za pušenje smatraju se i ostaci listova duhana i nusproizvodi nastali preradom duhana ili proizvodnjom duhanskih prerađevina.

#### Član 7. (Bezalkoholna pića)

(1) **Bezalkoholnim pićima** se, u smislu člana 4. stav (2) tačka c) ovog zakona, smatraju osvježavajuća bezalkoholna pića od voćnog soka, voćne baze, biljnih ekstrakata, žitarica i surutke, umjetna osvježavajuća bezalkoholna pića i niskoenergetska osvježavajuća bezalkoholna pića.

(2) Pod bezalkoholnim pićima, u smislu stava (1) ovog člana, ne smatraju se:

- a) prirodne mineralne, gazirane i negazirane vode, izvorske domaće i uvozne vode i stone vode;
- b) 100 % prirodni sokovi od voća i povrća i njihovih mješavina;
- c) sokovi od voća i povrća, te njihove mješavine, sa ili bez dodatka vode, sa ili bez dodatog šećera, sa ili bez konzervansa, sa ili bez CO<sub>2</sub>, sa ili bez umjetnih boja, sa ili bez umjetnih aroma i drugih umjetnih dodataka, sa stvarnim i deklariranim udjelom 50% i više voća i/ili povrća u suhoj tvari;
- d) sirupi, prašci i pastile namijenjeni za pripremu bezalkoholnih pića razblaživanjem u vodi.

#### Član 8. (Alkohol, alkoholna pića i voćna prirodna rakija)

(1) **Alkoholom** se, u smislu člana 4. stav (2) tačka d) ovog zakona, smatraju sve vrste alkohola, neovisno od sirovine iz koje se dobiva i postupka dobivanja.

(2) **Alkoholnim pićima** se, u smislu člana 4. stav (2) tačka d) ovog zakona, smatraju pića koja sadrže više od 2% alkohola.

(3) **Voćnom prirodnom rakijom** se, u smislu člana 4. stav (2) tačka d) ovog zakona, smatra proizvod dobiven destilacijom prevrelog soka, masulja ili komine grožđa ili drugog voća na manje od 86% vol. alkohola, u kojem se ne smije osjetiti miris i okus drugačiji od onoga koji proističe od upotrijebljenih sirovina, kojem se ne smiju dodavati arome ni etilni alkohol poljoprivrednog porijekla, šećer i drugi ugljeni hidrati.

#### Član 9. (Pivo i vino)

(1) **Pivom** se, u smislu člana 4. stav (2) tačka e) ovog zakona, smatra osvježavajuće pjenušavo piće dobiveno od vode, ječmenog slada, kvasca, nezaslađenih žitarica i hmelja, bez obzira na koncentraciju ekstrakta u sladu ili koncentraciju alkohola u pivu.

(2) **Vinom** se, u smislu člana 4. stav (2) tačke e) ovog zakona, smatra vino od grožđa (uključujući pojačana vina), vermut i ostala vina grožđa aromatizirana biljem ili aromatskim tvarima.



Član 10.  
(Kahva)

**Kahvom** se, u smislu člana 4. stav (2) tačka f) ovog zakona, smatra:

- a) sirova kahva (sa ili bez kofeina);
- b) pržena kahva (sa ili bez kofeina), u zrnju ili mljevena;
- c) ljuške i opne pržene kahve;
- d) ostali proizvodi od kahve koji u sebi sadrže 50% i više kahve.

Član 11.  
(Bliže određenje proizvoda)

Bliže određenje proizvoda iz čl. 4. do 10. ovog zakona koji se oporezuju akcizom propisat će Upravni odbor pravilnikom.

POGLAVLJE II. **POREZNI OBVEZNIK I REGISTRACIJA**

Član 12.  
(Porezni obveznik)

- (1) Porezni obveznik je **pravno lice ili preduzetnik** koji akcizne proizvode iz člana 4. stav (2) tač. a), b), c) d) i e) ovog zakona **uvozi i/ili proizvodi na teritoriji BiH**.
- (2) Porezni obveznik za proizvode iz člana 4. stav (2) ovog zakona tačka f) je **uvoznik**.
- (3) Pravno lice ili preduzetnik koji nabavi alkoholna pića, voćne prirodne rakije i vina **neposredno od građanina** - proizvođača koji nije obveznik akcize smatra se poreznim obveznikom u smislu ovog zakona.
- (4) Proizvođačem duhanskih preradevina u smislu ovog zakona smatra se svako fizičko lice, poduzetnik ili pravno lice nastanjeno/sa sjedištem u Bosni i Hercegovini koje duhan prerađuje u duhanske proizvode namijenjene za maloprodaju.

Član 13.  
(Registracija poreznog obveznika)

- (1) Porezni obveznik koji se bavi proizvodnjom i/ili uvozom akciznih proizvoda, kao i pravno lice ili preduzetnik iz člana 12. stava (3) ovog zakona, dužni su prije početka obavljanja djelatnosti iz koje može proisteci porezna obaveza po ovom zakonu da se registriju kod UIO.
- (2) Registracija iz stava (1) ovog člana vrši se upisom u Jedinstveni registar obveznika indirektnih poreza, prema propisima koji reguliraju taj upis.
- (3) Za propisivanje uvjeta za registraciju i prestanak registracije poreznog obveznika iz stava (1) ovog člana nadležan je Upravni odbor.

Član 14.  
(Prijava proizvodnih pogona i skladišta)

- (1) Porezni obveznik - proizvođač akciznih proizvoda dužan je UIO prijaviti pogon u kojem će vršiti proizvodnju akciznih proizvoda.
- (2) Porezni obveznik iz člana 12. ovog zakona dužan je UIO prijaviti skladište u kojem se vrši skladištenje akciznih proizvoda i/ili sirovine za proizvodnju akciznih proizvoda.

### POGLAVLJE III. OSNOVICA AKCIZE

#### Član 15. (Osnovica akcize)

(1) Osnovica akcize određena je:

- a) **količinom**, za akcizne proizvode za koje se akciza plaća po mjernoj jedinici;
- b) **maloprodajnom cijenom i količinom** po mjernoj jedinici za duhanske prerađevine.

(2) Osnovica akcize u slučaju utvrđivanja manjka i rashoda određena je količinom manjka koji se ne može pravdati višom silom, odnosno količinom rashoda (kalo, rastur, kvar i lom) iznad količine određene posebnim aktom Upravnog odbora.

(3) Akciza na naftne derivate plaća se po litru derivata na količinu utvrđenu pri temperaturi +15°C. Bliže odredbe o određivanju ekvivalenta za preračunavanje iz jedinice mase u volumensku jedinicu utvrdit će Upravni odbor posebnim aktom.

(4) Akciza na kahvu plaća se za jedan kilogram netotežine kahve. Ako se kahva stavlja u promet u pakiranjima većim ili manjim od jednog kilograma, akciza se plaća proporcionalno količini u pakiranju.

(5) Na promet alkohola, alkoholnih pića i voćne prirodne rakije akciza se plaća po litru apsolutnog alkohola. Ako se proizvodi iz člana 8. ovog zakona stavljaju u promet u pakiranjima većim ili manjim od jednog litra, akciza se plaća proporcionalno količini apsolutnog alkohola u pakiranju.

### POGLAVLJE IV. IZNOSI I STOPE AKCIZE

#### Član 16. (Iznosi i stope akcize)

Akciza se obračunava i plaća u apsolutnom iznosu po mjernoj jedinici i/ili po proporcionalnoj stopi.

#### Član 17. (Iznosi akcize za naftne derivate)

Za naftne derivate akciza se plaća po litru, i to na:

- a) dizel-gorivo i ostala plinska ulja 0,30 KM;
- b) petrolej (kerozin) 0,30 KM;
- c) motorni benzin - bezolovni 0,35 KM;
- d) motorni benzin 0,40 KM;
- e) lož-ulje ekstra lako i lako specijalno (EL i LS) 0,30 KM.

#### Član 18. (Iznosi akcize za bezalkoholna pića, pivo i vina)

1) Za sljedeće akcizne proizvode akciza se plaća po litru, i to:

a) bezalkoholna pića 0,10 KM

b) pivo 0,25 KM

c) vino 0,25 KM.

(2) Izuzetno, od stava (1) tačka b) ovog člana proizvođač piva čija je prosječna proizvodnja u prethodne tri godine manja od 400.000 hl, akcizu plaća 0,20 KM/l.

(3) Pravo iz stava (2) ovog člana može ostvariti i uvoznik pod uvjetom da ima dokaz da je pivo nabavio od proizvođača čija je prosječna proizvodnja u prethodne tri godine manja od 400.000 hl.

(4) Bliže odredbe za ostvarivanje prava korištenja niže stope iz st. (2) i (3) ovog člana, propisat će Upravni odbor pravilnikom.

#### Član 19.

(Iznosi akcize za alkohol i alkoholna pića i voćnu prirodnu rakiju)

Za alkohol, alkoholna pića i voćnu prirodnu rakiju akciza se plaća po litru apsolutnog alkohola, i to:

a) alkohol 15,00 KM;

b) alkoholna pića 15,00 KM;

c) voćna prirodna rakija 8,00 KM.

#### Član 20.

(Iznosi akcize za kahvu)

Za kahvu akciza se plaća prilikom uvoza po kilogramu, i to za:

a) sirovu kahvu 1,50 KM;

b) prženu kahvu (u zrnju ili mljevena) 3,00 KM;

c) ljuske i opne pržene kahve i ostale proizvode od kahve 3,50 KM.

#### Član 21.

(Akciza na duhanske preradevine)

(1) Na cigarete se plaća proporcionalna akciza u procentu na maloprodajnu cijenu i specifična akciza na 1.000 cigareta, odnosno za pakiranje od 20 komada.

(2) Na cigare i cigarilose plaća se proporcionalna akciza u procentu na maloprodajnu cijenu.

(3) Na duhan za pušenje plaća se akciza po kilogramu.

#### Član 21a.

(Akciza na cigarete)

(1) Na cigarete se plaća akciza, i to:

a) **proporcionalna**, po stopi od **42% na osnovicu** utvrđenu u skladu s članom 15. stav (1) tačka b) ovog zakona i

b) **specifična akciza** utvrđena od Upravnog odbora, kako bi se osigurala dinamika usklađivanja stopa akciza s relevantnim evropskim direktivama.

(2) Upravni odbor će najkasnije do 30. oktobra tekuće godine utvrditi iznos specifične akcize za narednu godinu iz stava (1) tačka (b) ovog člana, sve dok ukupno akcizno opterećenje cigareta s najnižom maloprodajnom cijenom ne dostigne iznos od 176,00 KM za 1.000 komada. Godišnje povećanje specifične akcize ne može biti manje od 7,50 KM za 1.000 komada, odnosno 0,15 KM za pakiranje od 20 komada.

(3) Odluka Upravnog odbora o specifičnoj akcizi iz stava (2) ovog člana primjenjuje se od 1. januara naredne godine.

(4) Specifična akciza za pakiranja različita od pakiranja koje sadrži 20 cigareta plaća se srazmjerno broju komada u pakiranju.

#### Član 21b.

(Minimalna akciza na cigarete)

(1) Ako je obračunata akciza na cigarete prema članu 21a. stav (1) ovog zakona manja od minimalne akcize utvrđene ovim zakonom, plaća se minimalna akciza.

(2) **Minimalna akciza** iz stava (1) ovog člana podrazumijeva **ukupnu akcizu** (proporcionalnu i specifičnu) za 1.000 komada, odnosno za pakiranje od 20 komada.

(3) Minimalna akciza na cigarete iznosi **najmanje 60% prosječne ponderirane maloprodajne cijene** cigareta za period od 1. jula prethodne godine do 30. juna tekuće godine.

(4) Prosječna ponderirana maloprodajna cijena cigareta iz stava (3) ovog člana izračunava se na osnovu podataka UIO o izdatim akciznim markicama za period od 1. jula prethodne godine do 30. juna tekuće godine. Prosječna ponderirana maloprodajna cijena izračunava se na način da se ukupna vrijednost cigareta, sa svim uključenim porezima, za koje su izdate akcizne markice za period od 1. jula prethodne godine do 30. juna tekuće godine, podijeli s ukupnom količinom cigareta za koje su izdate akcizne markice za isti period.

(5) Minimalnu akcizu na cigarete iz stava (3) ovog člana, izračunatu na osnovu metodologije iz stava (4) ovog člana, utvrđuje Upravni odbor najkasnije do 30. oktobra tekuće godine za narednu godinu, a odluka Upravnog odbora o minimalnoj akcizi se primjenjuje od 1. januara naredne godine.

#### Član 21c.

(Akciza na cigare i cigarilose)

Na cigare i cigarilose plaća se proporcionalna akciza po stopi od 42% na osnovicu utvrđenu u skladu s članom 15. stav (1) tačka b) ovog zakona.

#### Član 21d.

(Akciza na duhan za pušenje)

(1) Akciza na duhan za pušenje utvrđuje se u visini od najmanje **80% minimalne akcize na cigarete** iz člana 21b. ovog zakona iskazane za 1.000 cigareta.

(2) Akcizu na duhan za pušenje utvrđuje Upravni odbor najkasnije do 30. oktobra tekuće godine za narednu godinu, a odluka Upravnog odbora o minimalnoj akcizi primjenjuje se od 1. januara naredne godine.

(3) Izuzetno od st. (1) i (2) ovog člana, **akciza na duhan za pušenje za 2014. godinu iznositi će 78 KM/kg.**

## POGLAVLJE V. NASTANAK OBAVEZE OBRAČUNAVANJA I PLAĆANJA AKCIZE

Član 22.  
(Nastanak obaveze obračunavanja akcize)

Obaveza obračunavanja akcize na osnovu prometa akciznih proizvoda nastaje u trenutku:

- a) izdavanja računa proizvođača pri prvoj prodaji ili u trenutku isporuke proizvoda, ako je isporuka obavljena prije izdavanja računa;
- b) uvoza akciznih proizvoda na teritoriju BiH, osim za duhanske prerađevine, kao i alkoholna pića, voćne prirodne rakije i vina koja podliježu obavezi obilježavanja akciznim markicama;
- c) podnošenja zahtjeva za štampanje akciznih markica za duhanske prerađevine;
- d) preuzimanja akciznih markica za alkoholna pića, voćne prirodne rakije i vina;
- e) utvrđivanja manjka, koji se ne može pravdati višom silom;
- f) rashodovanja (kalo, rastur, kvar i lom), iznad količine određene aktom Upravnog odbora koji će se zasnivati na općim trgovinskim principima;
- g) korištenja akciznih proizvoda od strane proizvođača za vlastitu potrošnju.

Član 23.  
(Plaćanje akcize)

(1) Obračunatu akcizu iz člana 22. ovog zakona porezni obveznik dužan je uplatiti u rokovima propisanim u st. (2) do (6) ovog člana.

(2) U slučajevima iz člana 22. stava (1) tačka a) ovog zakona, porezni obveznik dužan je platiti akcizu u roku od deset dana po isteku mjeseca u kojem je nastala obaveza obračunavanja akcize.

(3) U slučajevima iz člana 22. stav (1) tačka b) i kod uvoza akciznih proizvoda iz tačke d) ovog zakona, porezni obveznik dužan je platiti akcizu u roku propisanom za plaćanje uvoznih dažbina.

(4) U slučajevima iz člana 22. stav (1) tačka d) ovog zakona, za proizvode koji ne podliježu plaćanju akcize prema stavu (3) ovog člana porezni obveznik dužan je akcizu platiti u roku od deset dana po isteku mjeseca u kojem je došlo do izdavanja računa proizvođača pri prvoj prodaji ili u trenutku isporuke proizvoda, ako je isporuka obavljena prije izdavanja računa.

(5) Za duhanske prerađevine porezni obveznik dužan je platiti akcizu u trenutku preuzimanja akciznih markica.

(6) U slučajevima iz člana 22. stav (1) tačk. e), f) i g) ovog zakona, porezni obveznik dužan je platiti akcizu u roku od deset dana po isteku mjeseca u kojem je nastala obaveza obračunavanja akcize.

**POGLAVLJE VI. OBILJEŽAVANJE I UVJETI PROMETOVANJA AKCIZNIH PROIZVODA**

Član 24.  
(Deklaracija proizvoda)

Proizvođač, odnosno uvoznik dužan je na deklaraciji proizvoda (etiketi) i drugom dokumentu koji prati akcizne proizvode označiti sirovinski sastav, vrstu, kvalitet i druga svojstva akciznih proizvoda bitna za utvrđivanje porezne obaveze.

Član 25.  
(Akcizne markice)

- (1) Duhanske preradevine, alkoholna pića, voćna prirodna rakija, kahva i vina koja se stavljaju u promet u pakiranjima predviđenim za prodaju na malo u BiH moraju biti obilježene akciznim markicama.
- (2) Izuzetno od odredbi stava (1) ovog člana, alkoholna pića, voćna prirodna rakija i vina, koja sadrže manje od 5% alkohola, ne moraju biti obilježene akciznim markicama.
- (3) Oblik, sadržaj i zaštitu akciznih markica, proceduru štampanja, čuvanja i postupanja s njima, te obilježavanje proizvoda, kao i postupanje s proizvodima koji su obilježeni markicama izdatim prema ranije važećim propisima propisat će Upravni odbor posebnim aktom.
- (4) Akcizne markice izdaje UIO.
- (5) Maloprodajne cijene duhanskih preradevina koje će se štampati na akciznim markicama porezni obveznik mora prijaviti UIO prije njihovog stavljanja u promet.
- (6) Duhanske preradevine, kahva, alkoholna pića, voćne prirodne rakije i vina, izuzev alkoholnog pića, voćne prirodne rakije i vina iz stava (2) ovog člana, koja nisu obilježena akciznim markicama, kao i proizvodi nepravilno obilježeni markicama, smatraju se akciznim proizvodima na koje nije obračunata i plaćena akciza.
- (7) Duhanske preradevine, kahva, alkoholna pića, voćne prirodne rakije i vino, koji se izvoze ili prodaju u bescarinskim prodavnicama, ne moraju biti obilježeni akciznim markicama, ali na ambalaži ili na posebnoj markici moraju imati utisnute riječi: "samo za izvoz" ili na engleskom jeziku: "for export only".
- (8) Upravni odbor, ako smatra da je to potrebno, može uvesti obilježavanje akciznim markicama i drugih akciznih proizvoda.

## **POGLAVLJE VII. POREZNE EVIDENCIJE I POREZNA PRIJAVA**

### **Član 26. (Evidencije)**

- (1) Porezni obveznik dužan je voditi posebnu evidenciju o uvozu, prometu, potrošnji i stanju akciznih proizvoda, te imati urednu i ažurnu knjigovodstvenu i vanknjigovodstvenu dokumentaciju.
- (2) Bliže odredbe o načinu vođenja evidencije, sadržaju evidencija i načinu dostavljanja UIO kao i oblik i sadržaj porezne prijave za akcizu propisat će Upravni odbor pravilnikom.

### **Član 27. (Prijava akcize)**

- (1) Porezni period obuhvata vrijeme jednog kalendarskog mjeseca.
- (2) Porezni obveznik - proizvođač dužan je da obavezu nastalu po osnovu akcize prijavi u poreznom periodu u kojem je obaveza i nastala.
- (3) Prijavu iz stava (2) ovog člana porezni obveznik podnosi UIO do 10. u mjesecu po isteku poreznog perioda.
- (4) Izuzetno od stava (2) ovog člana, porezni obveznik dužan je da podnese prijavu akcize, bez obzira da li ima obavezu plaćanja akcize u periodu za koji je prijava podnesena.

## **POGLAVLJE VIII. KONTROLA OBRAČUNAVANJA I PLAĆANJA AKCIZE**

### **Član 28.**

(Kontrola obračunavanja i plaćanja)

Kontrolu obračunavanja, prijavljivanja i plaćanja akcize vrši UIO u skladu s ovim zakonom i drugim zakonima iz oblasti indirektnog oporezivanja.

Član 29.

(Privremeno oduzimanje akciznih proizvoda)

(1) Akcizni proizvodi zatečeni u prometu bez akciznih markica ili nepravilno obilježeni akciznim markicama, kao i akcizni proizvodi zatečeni u prometu bez vjerodostojne dokumentacije o pravnom poslu na osnovu kojeg se stiče pravo raspolaganja predmetnim proizvodima bit će privremeno oduzeti do okončanja postupka.

(2) Ovlaštenje za privremeno oduzimanje akciznih proizvoda iz stava (1) ovog člana imaju ovlaštena službena lica UIO i ovlaštena službena lica iz drugih organa u okviru svoje nadležnosti.

**POGLAVLJE IX. OSLOBAĐANJE, POVRAT I UMANJENJE AKCIZE**

Član 30.

(Oslobađanje)

(1) Od plaćanja akciza oslobođeni su sljedeći akcizni proizvodi:

- a) proizvodi koje se izvoze;
- b) proizvodi koji se isporučuju u bescarinske prodavnice radi prodaje putnicima koji odlaze u inostranstvo;
- c) proizvodi koji se uvoze, unose ili primaju iz inostranstva, a koji su po carinskim propisima oslobođeni od plaćanja uvoznih dažbina;
- d) proizvodi koji se isporučuju diplomatskim i konzularnim predstavništvima i njihovom osoblju, po principu reciprociteta, a na osnovu akta Ministarstva vanjskih poslova Bosne i Hercegovine;
- e) proizvodi koji se isporučuju licima koja su po osnovu Općeg okvirnog sporazuma za mir u Bosni i Hercegovini i Aneksa uz taj sporazum, te ratificiranih međunarodnih ugovora i konvencija oslobođena od plaćanja ove vrste poreza;
- f) gorivo za avione i brodove u međunarodnom saobraćaju;
- g) na uvoz i/ili isporuku alkohola koji se koristi kao repromaterijal za proizvodnju alkoholnih pića, licu registriranom za proizvodnju u skladu s članom 13. ovog zakona.

(2) Upravni odbor propisat će pravilnikom postupak po kojem se ostvaruju prava na oslobađanja iz stava (1) ovog člana.

Član 31.

(Povrat)

(1) Fizička i pravna lica koja koriste lož-ulje za zagrijavanje stambenih i poslovnih objekata i objekata za poljoprivrednu proizvodnju (staklenici i plastenici) imaju pravo na povrat akcize plaćene na lož-ulje.

(2) Preduzetnik i pravna lica koja koriste alkohol za proizvodnju lijekova i/ili u medicinske svrhe, kao i etil alkohol koji koriste kao repromaterijal u proizvodnji sredstava za čišćenje i pranje, kozmetičkih proizvoda i ostalih proizvoda na koje se ne plaća akciza imaju pravo na povrat uplaćenog iznosa akcize.

(3) Pravno lice koje je izvezlo akcizne proizvode za koje je prethodno plaćena akciza ima pravo na povrat uplaćenog iznosa.

- (4) Zahtjev za povrat uplaćene akcize podnosi se UIO.
- (5) UIO je dužan da izvrši povrat uplaćene akcize najkasnije u roku od 30 dana od dana podnošenja zahtjeva.
- (6) Upravni odbor propisat će uvjete i postupak po kojem se ostvaruje pravo na povrat akcize na bazi normativa potrošnje po metru kvadratnom površine koja se zagrijava.

## **POGLAVLJE X. OGRANIČENJE U PROMETU ODREĐENIH PROIZVODA**

### **Član 32.**

#### **(Ograničenja u prometu lož-ulja)**

- (1) Porezni obveznici iz člana 12. stav (1) ovog zakona dužni su prije puštanja u promet (ako se radi o proizvođaču iz BiH) ili uvoza lož-ulje obojiti crvenom bojom uz dodavanje indikatora (markera) prema važećim propisima i standardima.
- (2) Na lož-ulje koje je prometovano a nije obojeno crvenom bojom u skladu sa stavom (1) ovog člana bit će naplaćena akciza u iznosu od 0,30 KM po litru i za njega se ne može ostvariti povrat.
- (3) Lož-ulje se ne smije koristiti u svrhe suprotne njegovoj osnovnoj namjeni.
- (4) Ako se pri kontroli vozila na motorni pogon, plovnih objekata na motorni pogon ili drugih transportnih sredstava na motorni pogon, odnosno za pogon drugih motora, utvrdi da se lož-ulje koristi kao pogonsko gorivo, akciza će biti obračunata i naplaćena od vlasnika predmetnog sredstva u iznosu od 0,30 KM po litru, na količinu koja odgovara zapremini rezervoara uvećanoj za deset puta.

### **Član 33.**

#### **(Promet lož-ulja)**

- (1) Promet lož-ulja (ekstra lako i lako specijalno EL i LS) može se vršiti na benzinskim pumpama, u za to posebno predviđenom skladištu izdvojenom od mjesta predviđenog za snabdijevanje pogonskim gorivom motornih vozila i vozila na motorni pogon, ili iz samostalnih posebnih skladišta ili direktnom isporukom potrošaču.
- (2) Skladišta iz stava (1) ovog člana moraju biti registrirana kod UIO.
- (3) Uvjete i način prijavljivanja i davanja suglasnosti za registraciju skladišta iz stava (1) ovog člana propisat će UIO posebnim aktom.
- (4) Držalac skladišta za prodaju lož-ulja iz stava (1) ovog člana dužan je lož-ulje dostavljati autocisternama na adresu kupca, te o svim isporukama voditi urednu evidenciju.
- (5) Evidencija iz stava (4) ovog člana obavezno mora sadržavati podatke o nabavljenim količinama lož-ulja, te tačne podatke o isporukama kupcima.
- (6) Bliže odredbe o načinu vođenja evidencije, sadržaju evidencija i načinu dostavljanja nadležnom organu, te oblik i sadržaj propisat će Upravni odbor posebnim aktom.

### **Član 34.**

#### **(Kontrola prometa lož-ulja)**



- (1) Kontrolu nad upotrebom i korištenjem lož-ulja u smislu odredbi čl. 32. i 33. ovog zakona vrše ovlaštena lica UIO i ovlaštena službena lica iz drugih organa u okviru svoje nadležnosti.
- (2) U slučaju utvrđivanja nepravilnosti, postupak obračuna i naplate akcize je u nadležnosti UIO.

## DIO TREĆI – CESTARINA

### Član 35. (Osnovica i stopa)

- (1) Cestarina kao vrsta indirektnog poreza plaća se na naftne derivate iz člana 5. stav (1) tač. a) i b) ovog zakona.
- (2) Cestarina iz stava (1) ovog člana plaća se u iznosu od 0,15 KM po jednom litru proizvoda za ceste i 0,10 KM za izgradnju autocesta.

### Član 36. (Oslobađanje)

- (1) Cestarina se ne plaća na dizel-gorivo koje se koristi za potrebe rudnika, termoelektrana i željeznica (za pogon šinskih vozila), u količini koju odobri Upravni odbor na prijedlog vlada entiteta i Brčko Distrikta Bosne i Hercegovine.
- (2) Bliže odredbe o uvjetima i postupku za ostvarivanje oslobađanja plaćanja cestarine iz stava (1) ovog člana propisat će pravilnikom Upravni odbor.

### Član 37. (Naknadna naplata)

- (1) Ako se pri kontroli prometa utvrdi da se promet lož-ulja vrši suprotno odredbama čl. 32. i 33. ovog zakona, obračunat će se cestarina iz člana 35. stav (2) ovog zakona.
- (2) Ako se pri kontroli vozila na motorni pogon, plovni objekata na motorni pogon ili drugih transportnih sredstava na motorni pogon, odnosno za pogon drugih motora utvrdi da se lož-ulje koristi kao pogonsko gorivo, cestarina iz člana 35. stav (2) ovog zakona bit će obračunata i naplaćena od vlasnika predmetnog sredstva, na količinu koja odgovara zapremini rezervoara uvećanoj za deset puta.

### Član 38. (Ostale odredbe)

- (1) Odredbe ovog zakona koje se odnose na akcizu, a tiču se poreznog obveznika, porezne osnovice, načina plaćanja, oslobađanja i povrata akcize, te drugih pitanja koja nisu za cestarinu regulirana odredbama čl. 35., 36. i 37. ovog zakona primjenjuju se mutatis mutandis i na cestarinu.
- (2) Kontrolu, obračun, naplatu, oslobađanje, povrat, prinudnu naplatu cestarine i ostalo što se odnosi na cestarinu vrši UIO.

## **DIO ČETVRTI - PRAVNA SREDSTVA**

### **Član 39. (Žalba)**

- (1) Protiv rješenja donesenog u postupku obračuna i naplate akcize i/ili cestarine porezni obveznik ima pravo žalbe u roku od 15 dana od dana primanja rješenja.
- (2) Žalba se podnosi i postupak po žalbi provodi na način propisan Zakonom o postupku indirektnog oporezivanja ("Službeni glasnik BiH", br. 89/05 i 100/13).
- (3) **Žalba ne odgađa izvršenje rješenja.**

### **Član 40. (Primjena procesnog zakona)**

Na postupke i procedure koji nisu regulirani ovim zakonom primjenjuju se odredbe Zakona o postupku indirektnog oporezivanja.

## **DIO PETI - KAZNENE ODREDBE**

### **Član 41. (Prekršaji)**

- (1) Novčanom kaznom u iznosu od 1.000 KM do 200.000 KM kaznit će se za prekršaj pravno lice, a novčanom kaznom u iznosu od 1.000 KM do 20.000 KM preduzetnik ako:
  - a) se na dokumentu koji prati akcizni proizvod ili na akciznom proizvodu ne nalaze podaci o sirovinskom sastavu, vrsti, kvalitetu i drugim svojstvima bitnim za utvrđivanje porezne obaveze ili ako su ti podaci netačni;
  - b) ne obračuna ili netačno obračuna akcizu;
  - c) stavi u promet akcizne proizvode prije izvršene registracije iz člana 13. ovog zakona;
  - d) ne prijavi maloprodajne cijene duhanskih prerađevina UIO prije puštanja u promet ili ako ih prodaje po cijenama višim od prijavljenih;
  - e) vrši promet lož-ulja suprotno odredbama člana 33. ovog zakona;
  - f) ne prijavi skladište kod UIO i ne vodi evidencije o nabavljenim i prodanim količinama lož-ulja;
  - g) koristi lož-ulje kao pogonsko gorivo za pogon motornih vozila, plovnih objekata na motorni pogon ili drugih transportnih sredstava na motorni pogon, odnosno ako se lož-ulje koristilo suprotno njegovoj osnovnoj namjeni;
  - h) duhanske prerađevine, alkoholna pića, voćne prirodne rakije, vina i kahvu stavi u promet, a da akcizni proizvod nije na propisan način obilježen akciznom markicom;
  - i) akcizne proizvode stavi u promet bez vjerodostojne dokumentacije;
  - j) ne plati akcizu u roku predviđenim članom 23. ovog zakona;
  - k) ne vodi evidencije propisane članom 26. ovog zakona;
  - l) crvenom bojom uz dodavanje indikatora ne oboji isporučene količine lož-ulja;
  - m) ne izvrši popis zaliha u smislu člana 45. ovog zakona.
  - n) da netačne podatke u cilju primjene niže stope iz člana 18. stav (2) ovog zakona.
- (2) Novčanom kaznom u iznosu od 300 KM kaznit će se za prekršaj pravno lice i preduzetnik ako ne podnesu prijavu akcize u roku iz člana 27. ovog zakona.
- (3) Za prekršaj iz st. (1) i (2) ovog člana kaznit će se i odgovorno lice u pravnom licu novčanom kaznom u iznosu od 300 KM do 10.000 KM.

(4) Novčanom kaznom u iznosu od 1.000 KM do 3.000 KM kaznit će se fizičko lice koje koristi lož-ulje kao pogonsko gorivo za pogon motornih vozila, plovnih objekata na motorni pogon ili drugih transportnih sredstava na motorni pogon.

(5) Novčanom kaznom u iznosu od 1.000 KM do 3.000 KM kaznit će se fizičko lice koje stavi u promet duhanske prerađevine, alkoholna pića, voćne prirodne rakije, vina i/ili kahvu, a da akcizni proizvodi nisu na propisan način označeni akciznom markicom i/ili bez vjerodostojne dokumentacije.

Član 42.  
(Zaštitna mjera)

1) Uz novčanu kaznu pravnom licu i poduzetniku izreći će se zaštitna mjera oduzimanja akciznih proizvoda kojim je učinjen prekršaj iz člana 41. stav (1) tačke h) i i) ovog zakona, kao i fizičkom licu za u činjeni prekršaj iz člana 41. stav (5) ovog zakona.

(2) Postupak s oduzetom robom propisat će posebnim aktom Upravni odbor.

## DIO ŠESTI - PRIJELAZNE I ZAVRŠNE ODREDBE

Član 43.  
(Podzakonski akti)

Upravni odbor donijet će pravilnik o primjeni ovog zakona u roku od 30 dana od dana stupanja na snagu ovog zakona.

Član 44.  
(Prijava poreznog obveznika i skladišta)

(1) Porezni obveznik koji je prema propisima koji su bili na snazi prije donošenja ovog zakona registrirao proizvodnju akciznih proizvoda kod UIO stupanjem na snagu ovog zakona nije dužan ponovo se registrirati u smislu odredbe člana 13. stav (1) ovog zakona, osim ako nije došlo do promjena u obavljanju djelatnosti.

(2) Porezni obveznik iz stava (1) ovog člana dužan je izvršiti prijavu proizvodnog pogona i skladišta iz člana 14. ovog zakona u roku od 30 dana od dana početka primjene ovog zakona.

Član 45.  
(Popis zaliha, obračun i uplata)

(1) Porezni obveznici i druga lica koji se bave prometom duhanskih prerađevina iz člana 1. stav (1) tač. b) i c) ovog zakona dužni su **na dan početka primjene ovog zakona popisati zalihe** ovih prerađevina i popisne liste **dostaviti** UIO u roku **od sedam dana**.

(2) Porezni obveznici i druga lica koji se bave prometom duhanskih prerađevina iz člana 1. stav (1) tač. b) i c) ovog zakona dužni su **prijaviti nove maloprodajne cijene UIO u roku od sedam dana od dana izvršenog popisa** i na novu osnovicu obračunati i uplatiti razliku akcize **u roku od 10 dana od dana dostavljanja popisnih lista**.

(3) Porezni obveznici i druga lica koji se bave prometom duhanskih prerađevina dužni su popisati zalihe duhanskih prerađevina pri svakoj promjeni maloprodajnih cijena koje prijavljuju UIO u roku od sedam dana od dana izvršenog popisa i na novu osnovicu obračunatu i uplatiti razliku akcize u roku od 10 dana od dana dostavljanja popisnih lista.

(4) Izuzetno za 2014. godinu obračun specifične i minimalne akcize na cigarete vrši se u skladu s Odlukom o utvrđivanju posebne i minimalne akcize na cigarete za 2014. godinu ("Službeni glasnik BiH", broj 88/13).

5) Obračun akcize na duhanske prerađevine koje nisu obuhvaćene Odlukom iz stava (4) ovog člana vršit će se u skladu s odredbama ovog zakona.

#### Član 46.

(Okončanje ranije započelih postupaka)

Postupak kontrole obračuna i naplate akcize, povrata akcize, prinudne naplate, obnove postupka i drugi upravni postupci, započeti prije početka primjene ovog zakona, a koji nisu okončani pravosnažnim rješenjima, okončat će, prema ranije važećim propisima, organi kod kojih je postupak pokrenut.

#### Član 47.

(Prestanak važenja ranijeg zakona)

Početak primjene ovog zakona prestaje da važi Zakon o akcizama u Bosni i Hercegovini ("Službeni glasnik BiH", br. 62/04, 48/05 i 72/05).

#### Član 48.

(Stupanje na snagu)

Ovaj zakon stupa na snagu osmog dana od dana objavljivanja u "Službenom glasniku BiH", a primjenjivat će se od prvog radnog dana mjeseca koji slijedi nakon stupanja na snagu ovog zakona.

PSBiH broj 370/09  
18. juna 2009. godine  
Sarajevo  
Predsjedavajući  
Predstavničkog doma  
Parlamentarne skupštine BiH  
Beriz Belkić, s. r.  
Predsjedavajući  
Doma naroda  
Parlamentarne skupštine BiH  
Ilija Filipović, s. r.



Broj: 05-02-1-1194-21/17  
Sarajevo, 7.12.2017. godine

**PARLAMENTARNA SKUPŠTINA BiH**  
- *Predstavnički dom* -  
- *Dom naroda* -

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 07-12-2017			
Urgencijska redakcija	Klasifikaciona oznaka	Red. broj	Red. priloga
01,02-	02-1-	2808	17

**SARAJEVO**

**PREDMET:** Mišljenje, dostavlja se

**V e z a:** Naš akt broj: 05-02-1-1194-12/17 od 4.12.2017. godine

Vezano za naš akt, gornje oznake i datuma, u prilogu dostavljamo Mišljenje Agencije za zaštitu ličnih podataka Bosne i Hercegovine na Prijedlog zakona o izmjenama i dopunama Zakona o trošarinama u Bosni i Hercegovini, koji se nalazi u parlamentarnoj proceduri od 5.12.2017. godine.

S poštovanjem,

  
**GENERALNI TAJNIK**  
*Zvonimir Kutleša*



Broj: 03-1-02-1-1190-2/17 DGL  
Sarajevo: 07.12.2017. godine

**BOSNA I HERCEGOVINA**  
**SAVJET MINISTARA**  
**GENERALNI SEKRETARIJAT**  
**Trg BiH 1**  
**71000 Sarajevo**



BOSNA I HERCEGOVINA  
VJEĆE MINISTARA  
SARAJEVO

PRIMLJENO: 07-12-2017			
Organizaciona jedinica	Klasifikaciona oznaka	Koliti broj	Broj priloga
06	02-A	1194-2	2.

116-

**PREDMET:** Prijedlog Zakona o izmjenama i dopunama Zakona o akcizama u Bosni i Hercegovini, mišljenje – dostavlja se,

**VEZA:** Vaš akt broj: 05-02-1-1194-12/17 od 01.12.2017. godine

Agenciji za zaštitu ličnih podataka u Bosni i Hercegovini u prilogu akta broj i datum Veze, dostavili ste na mišljenje Prijedlog Zakona o izmjenama i dopunama Zakona o akcizama u Bosni i Hercegovini.

Agencija shodno članu 40. stav (1) tačka d) Zakona o zaštiti ličnih podataka („Sl. glasnik BiH“, broj: 49/06, 76/11 i 89/11) daje sljedeće:

### MIŠLJENJE

Nakon izvršene analize Prijedloga Zakona o izmjenama i dopunama Zakona o akcizama u Bosni i Hercegovini, sa aspekta zaštite prava na privatnost i obrade ličnih podataka, Agencija nema primjedbi.

S poštovanjem,

**Dostavljeno:**

- Naslovu
- Spis predmeta

  
**DIREKTOR**  
  
**Petar Kovačević**